

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՊՐԵԶԻԴԵՆՏ Վ. ՀԱՄԲԱՐՉՈՒՄՅԱՆԻ ՃԱՌԸ

Ընկերներ. Հայաստանում սովետական կարգերի հաստատման 30-ամյակը մեր աշխատավորությունը դիմավորում է հսկայական հաջողություններով: Սովետական ժողովուրդների եղբայրական ընտանիքում, ուսումնառությամբ, օգնությամբ, Սովետական Հայաստանը դարձել է առաջավոր սոցիալիստական տնտեսության և կուլտուրայի երկիր:

Մեր աշխատավորության հետ միասին Սովետական Հայաստանի 30-ամյակը խոշոր նվաճումներով են դիմավորում նաև ռեսպուբլիկայի գիտության և կուլտուրայի, արվեստի և գրականության աշխատողները: Ոգեշնչված Լենինի-Ստալինի ամենազոր գաղափարներով, հավատարմորեն կատարելով իրենց հայրենասիրական պարտքը, մեր գիտնականներն իրենց ամբողջ եռանդն ու կարողությունը գոր-

ծադրում են սովետական առաջավոր գիտության զարգացման համար, արտադրության և գիտության աշխատողների համագործակցությունը ամրապնդելու համար, գիտությունը ժողովրդին ծառայեցնելու համար:

Մեր ռեսպուբլիկայի ժողովրդական տնտեսության և կուլտուրայի բոլոր նվաճումները ձեռք են բերվել բուլշևիկների պարտիայի և անձամբ մեր հայր և ուսուցիչ՝ մեծ Ստալինի ջերմ հոգատարության շնորհիվ: (Մափահարություններ):

Կանգնեցնելով այս հաղթական մոնումենտը՝ ընկեր Ստալինի հոյակապ քանդակով, հայ ժողովուրդը իր երախտագիտության և անսահման նվիրվածության զգացմունքն է արտահայտում ժողովուրդների մեծ առաջնորդ, հայ ժողովրդի ազատարար և մեծ բարեկամ ընկեր ՍՏԱԼԻՆԻՆ: (Մափահարություններ):

Ընկեր Ստալինի հոյակապ մոնումենտ-քանդակի բացման այս հանդիսավոր պահին, մենք՝ մեր ռեսպուբլիկայի գիտության և կուլտուրայի աշխատողներս, խոստանում ենք, զինվելով Լենինի-Ստալինի ուսմունքով, լաբել մեր բոլոր ուժերը, գործադրել մեր բոլոր ջանքերը՝ նորանոր հայտնագործություններով և աշխատություններով հարստացնելու սովետական գիտությունը, էլ ավելի ամրապնդելու գիտության և արտադրության աշխատողների համագործակցությունը, անձնվիրաբար աշխատելու կոմունիզմի վերջնական հաղթանակի համար:

Կեցցե՛ Լենինի-Ստալինի մեծ պարտիան՝ մեր հաղթանակների ոգեշնչողն ու կազմակերպիչը:

Կեցցե՛ մեր հայր և ուսուցիչ, գիտության մեծագույն կորիֆեյ, ժողովուրդների հմաստուն առաջնորդ մեծ ՍՏԱԼԻՆԸ: (Մափահարություններ):